



1892

1892

COMPLAINTE

DE LA FRANCE

SVR LA RVMEVR

de la guerre ciuile.

*Adressee à Nosseigneurs les Princes
retirez de la Cour.*



A P A R I S,

Chez Antoine Champenois, au Griffon
d'Or, deuant le Palais.

M. DC. XIII.

elij

COMPLAINT


DE LA FRANCE

Case
F

39

1326

1614C02



A PARIS

Imprimerie de la Citoyenne Leclerc

et de la Citoyenne Leclerc

M. D. C. C. C.



COMPLAINTE DE
LA FRANCE SUR LA
rumeur de la guerre ciuile.

*Addressée à Nosseigneurs les Princes
retirez de la Cour.*

CE papier messager du silence, vous fera entre-voir, (nos très-illustres & honorez Seigneurs) quelle est l'affliction generale qui par cy-deuant a violenté & tourmenté la France. La rumeur de vostre soudaine retraicte & la separation de vos nobles personnes d'aupres, celles de leurs Majestez, ont tellement trauaillé les pensees de tous

les fidelles fujets & feruiteurs du Roy, qu'au premier recit de ces nouuelles, les conceptions des plus fages ont esté retenuës, & leurs paroles comme estouffees. Vous pourrez croire que ce n'est par presomption que ceste lettre (forcee de la necessité & vaincuë de nos affectionnees prieres) si librement se hazarde: mais bien pour vous faire cognoistre & représenter comme nostre heur & commun repos despend mediatement de vous. Nous vous faisons la tres-humble offrande de ce libelle exhortatoire, & de ce complainant discours, qui, comme tesmoing irreprochable, vous asseurera de ce que nos vulgaires & grossieres paroles ne vous peuuēt faire entendre ny exprimer. On a diuerfement parlé de vostre absen-

ce, chascun en a discouru selon ses passions, & n'eut pas esté estimé fils né de bonne mere qui ne s'en fut attristé en ce trouble public, & avec sujet. Car ne pensez pas tant que l'on vous verra absens & retirez de la Cour, que les ennuis de la France ne soient inseparables. Bien est vray que iamais ne vous estimera absens, ny partialisez, pendant que son salut & le respect de son repos aura place en vostre cœur & en vostre memoire. Et puis qu'elle respire le doux air de la paix sous la faueur de vos vnitiues volontez, faiçtes, en consequence de ce, que vostre esloignement ne luy donne sujet de soupçonner & se defier de vos desseins. Elle se voit, en la priuation de vostre personne, vefue, orpheline & delaissee d'une bonne

partie de sa force & puissance, elle
 souspire ses peines & son malheur
 qui pourroit indubitablement re-
 ceuoir source, origine & naissan-
 ce de vostre diuision: & pource
 ayez esgard à toutes les sanglantes
 douleurs que l'aprehension d'une
 guerre ciuile nous faict si viue-
 ment ressentir. Sans vostre veuë,
 tout plaisir à la Cour est sujet de
 tristesse, laquelle perd vne princi-
 pale partie de sa lumiere & splen-
 deur perdant de veuë l'astre de vo-
 stre presence. Considérez qu'a-
 bandonner le Roy, lors que vo-
 stre compagnie, vostre veuë &
 vostre conseil luy sont, comme
 vous scauez, plus chers, ce ne se-
 roient preuues de la forme & obli-
 gatoire amitié & affection que
 vous deuez au repos de son Estar
 & de sa personne. Le Ciel vou-

lant de tout temps éleuer la fortune des Francois, vous a, en ces derniers regnes heureusement faict naistre pour estre les instrumens de leur prosperité. Et partant comme les Royaumes & Républiques florissent, lors principalement que les Roys & les Princes negligent leur propre gain & particulier interest, pour incessamment veiller à la manutention, entretien & conseruation de l'Estat: ayéz pour ce regard l'œil tousiours ouuert, & prenez garde qu'on ne voye semer des infidelitez dans le champ de vos sinceres affections. Nous scauons combien elles sont entieres au bien de ce Royaume, & ne s'en peuuent separer: vous les auez offertes au feu Roy, que Dieu absolue, en toutes sortes d'occur-

rences, il faut donc maintenant
 que celuy qui est sa vraye image,
 vn autre luy mesme, nostre petit
 & grand Maistre, qui ne respire
 que bonté & clemence, en ait la
 vraye & legitime possession. Vous
 ne pouuez douter de celle qu'il
 vous porte, & partant la deuez à
 iamais estimer aussi saincte que
 veritable enuers vous. La plus
 muette voire la moindre de tou-
 tes les faueurs que la Royne, sa
 tres-honoree mere, vous a de tout
 temps faict paroistre, est plus que
 suffisante pour vous faire croire
 qu'elle ne vous veut que de l'ami-
 tié: & pourcé ne la priez de vous
 vouloir du bien, car en assurance
 vous pouuez croire qu'il n'y a par-
 tie en elle qui ne luy porte & con-
 traigne avec toute sorte d'assez
 cheres & bien fortes persuasions:
 mesurez

meſurez le bié qu'elle vous veut à l'eſgal de la creance que vous devez auoir de vos merites, & alors vous ne ſerez en doute que ſon affection enuers vous ne ſoit tres-entiere & tres-pure. Pource qui eſt de nos Cours ſouueraines, Tutrices de cet eſtat; elles ouurent leur creance à tout ce que leur enuoyez, & vous aſſeurent que iamais elles ne ſeront rebelles à vos parolles (inſtrumens de vos volótez & truchemens de vos ames) qu'elles tiennét pour filles aiſnées de la verité. Et pour nous tous, nous vous croyós capables de ce que pourions dire ſur ce ſuiet, & aſſez diſpoſez à tout ce que nos requeſtes & tres-humbles prieres vous pourroient contier. Ne faites ſeulement parade de paroles à l'endroit du vulgaire, mais bien

de belles actions qui en procedent: car ordinairement le vulgaire interprete sinistrement les conseils & secrettes deliberations des Princes. Brauez la discorde qui ne cherche qu'à faire vn cabal de vostre ruine, & dresser ses trophées sur la commune ruine & desolation generale de ce tres-florissant Royaume. Si le soupçon qu'on auoit de vos intentions premieres, ne pretéd point de droit sur l'exterieur de vos actions (ce que Dieu ne vueille permettre) vous ne nous tromperez pas en l'esperance que nous aurez donnée. Car qui seroit celuy qui se pourroit à iamais persuader y auoir de la feintise, en la personne de ceux parmy lesquels on a par-cy deuant tant recogneu de foy & de loyauté?

Il s'en trouue peu de ce nombre.
 Et partant tres-illustres Princes)
 puis que toutes les puissances de
 nostre ame & de nostre vie ne
 sont guidees que du respect que
 nous auons au seruice du Roy &
 au vostre : recherchez la paix , &
 faictes que la France reprenne
 haleine sous le relasche des ar-
 mes. Conseruez encore vne fois
 ceste paix, que ce grand Hercule
 Gaulois , qui n'aguere presidoit
 en ceste Monarchie, auoit accor-
 dee avec ses voisins pour la pro-
 curer à son peuple. Et alors l'a-
 bondante Cérés , caressée & as-
 seuree en nos compagnies , fera
 parade de sa perruque blonde , à
 la consolation des pauvres pay-
 sans , & soulagement du peuple,
 qui viuant en repos, ne redoute-
 ra plus les armes ny les alarmes

d'une guerre civile, qui fourage les biens, le sang & la vie des subjects: change en bien peu de temps les Estats des Empereurs, les Empires des Roys, les royaumes des Princes, les possessions legitimes des nobles, les dignitez des Magistrats euacue les tresors des plus puissants Monarques, enfeuelis les citez dans leur propre ruine, mesprise la iustice, viole & abatardit les loix, oppresse les vefues & pupilles, bref c'est la cause de la totale ruine & desolation des Republicques & plus puissantes Monarchies. Que vos volontez demeurent inseparables, & que vos cœurs soient vnis d'une si ferme vnion pour la protection de ceste couronne, en demonstrent toute fidelité au Roy, que ny la perte des biens ny

l'effusion de vostre sang, ny la mort mesme, ne les puisse des-
 vnir; & sur ceste assurance, nous
 vous presentons le respect de
 nostre amour, la fidelité de nos
 cœurs, la pure sincerité, & sin-
 cere pureté de l'intention que
 nous auons de vous faire seruice,
 en seruant celuy qu'apres Dieu
 nous deuons sur terre seruir, ho-
 norer, craindre, aymer, & res-
 pecter, comme nostre souuerain &
 vnique Monarque, auquel tous
 souhaittons regne prospere, &
 victoire de ses ennemis.

F I N.

Histoire de la cour de
 Louis le débonnaire
 par M. de la Harpe
 Tome premier
 Paris chez la Citoyenne
 Libraire, Palais National
 sous le Vestibule, par
 la porte de la Bibliothèque
 au Salon de Peinture
 l'An 5 de la Liberté
 1793

113

